



Broj: 01/3-50-3-3-10/21  
Sarajevo, 1.2.2021. godine

**IZVJEŠTAJ O RADU KOMISIJE ZA VANJSKU TRGOVINU I CARINE  
ZA 2020. GODINU**

**Sarajevo, februar 2021. godine**

## **SADRŽAJ:**

### **UVODNI DIO**

### **POGLAVLJE I. AKTIVNOSTI KOMISIJE**

#### **Odjeljak A. Zakonodavne aktivnosti**

#### **Odjeljak B. Izvještaji o radu, inicijative i drugi akti**

#### **Odjeljak C. Ostale informacije i druge aktivnosti**

### **REZIME**

#### **Prilog:**

**- Tabela 1.**

**- Tabela 2.**

Na osnovu člana 32. stav (2) Poslovnika Predstavničkog doma Parlamentarne skupštine Bosne i Hercegovine („Službeni glasnik BiH“, br. 79/14, 81/15, 97/15, 78/19 i 26/20), Komisija za vanjsku trgovinu i carine Predstavničkog doma Parlamentarne skupštine BiH na 10. sjednici, održanoj 1.2. 2021. godine, usvojila je i Predstavnički domu Parlamentarne skupštine Bosne i Hercegovine podnosi

## **IZVJEŠTAJ O RADU Komisije za vanjsku trgovinu i carine za 2020. godine**

### **UVODNI DIO**

Komisija za vanjsku trgovinu i carine Predstavničkog doma Parlamentarne skupštine BiH (u daljnjem tekstu: Komisija) stalno je radno tijelo Parlamentarne skupštine BiH. Njena nadležnost propisana je članom 46. Poslovnika Predstavničkog doma Parlamentarne skupštine Bosne i Hercegovine („Službeni glasnik BiH“, br. 79/14, 81/15, 97/15, 78/19 i 26/20).

U skladu s članom 46. Poslovnika Predstavničkog doma, Komisija za vanjsku trgovinu i carine razmatra pitanja koja se odnose na:

- vanjskotrgovinsku politiku;
- sporazume o međunarodnoj trgovini;
- carinsku politiku;
- tarife, propise i zakone iz svoje oblasti;
- međunarodne obaveze Bosne i Hercegovine;
- odnose s međunarodnim trgovinskim institucijama i druga pitanja iz oblasti vanjske trgovine i carina.

Broj i struktura članova Komisije, dužnosti, organizacija rada, sazivanje sjednica, donošenje odluka, saradnja s drugim komisijama i tijelima, metoda rada kao i procedure koje prate osnovne odredbe o zakonodavnim aktivnostima Predstavničkog doma regulirane su odredbama Poslovnika Predstavničkog doma.

Konstituirajuća sjednica Komisije za mandatni period 2018-2022. održana je 5. 12. 2019, a prisustvovalo joj je pet od ukupno devet članova.

Na konstituirajućoj sjednici Komisija je izabrala Vojina Mitrovića za predsjedavajućeg, Miju Matanovića za prvog zamjenika predsjedavajućeg i Edina Mušića za drugog zamjenika predsjedavajućeg Komisije.

Na 5. hitnoj sjednici Predstavničkog doma Parlamentarne skupštine BiH, održanoj 23. 12. 2019, Vojin Mitrović imenovan je za ministra komunikacija i prometa BiH.

Na drugoj sjednici Komisije, održanoj 23. 1. 2020, za predsjedavajućeg Komisije izabran je Dragan Bogdanić.

Članovi Komisije su: Dragan Bogdanić, Mijo Matanović, Edin Mušić, Nenad Stevandić, Šemsudin Mehmedović, Zukan Helez, Mirko Šarović, Enver Bijedić i Damir Arnaut.

U izvještajnom periodu od 1. 1. do 31. 12. 2020. Komisija je u okviru svoje nadležnosti održala **sedam** sjednica (od 2. do 8. sjednice):

- 2. sjednica Komisije održana je 23. 1. 2020. - prisustvovalo 7 članova, razmatrano 12 tačka dnevnog reda, sjednica je trajala 1 sat i 30 minuta;
- 3. sjednica Komisije održana je 25. 2. 2020. - prisustvovalo 6 članova, razmatrane 4 tačke dnevnog reda, sjednica je trajala 15 minuta;
- 4. sjednica održana je 19. 5. 2020. - prisustvovalo 8 članova, razmatrane 3 tačke dnevnog reda, sjednica je trajala 50 minuta;
- 5. sjednica održana je 9. 6. 2020. - prisustvovalo 7 članova, razmatrane 2 tačke dnevnog reda, sjednica je trajala 15 minuta;
- 6. sjednica održana je 14. 9. 2020. - prisustvovalo 5 članova, razmatrane 3 tačke dnevnog reda, sjednica je trajala 45 minuta;
- 7. sjednica Komisije održana je 12. 10. 2020. - prisustvovalo je 5 članova, razmatrane 2 tačke dnevnog reda, sjednica je trajala 20 minuta;
- 8. sjednica Komisije održana je 8. 12. 2020. - prisustvovalo 6 članova, razmatrano 5 tačaka dnevnog reda, sjednica je trajala 55 minuta.

Na sedam održanih sjednica Komisija je razmatrala ukupno 31 tačku dnevnog reda.

Prosjek trajanja sjednica Komisije bio je 48 minuta, a prosjek prisustva članova Komisije sjednicama je 6.

Komisija je na osnovu rasprava i analiza usvajala mišljenja, zaključke i davala prijedloge.

## **POGLAVLJE I. AKTIVNOSTI KOMISIJE**

### **Odjeljak A. Zakonodavne aktivnosti**

U izvještajnom periodu Komisija je razmatrala jedan prijedlog zakona i to: Prijedlog zakona o izmjenama i dopunama Zakona o sistemu državne pomoći u BiH, predlagač: Vijeće ministara BiH, koji je usvojen u obje komisijske faze.

### **Odjeljak B. Izvještaji o radu drugih institucija iz nadležnosti Komisije, inicijative i drugi akti**

U toku 2020. godine na sjednicama Komisije razmatrani su izvještaji o aktivnostima institucija Bosne i Hercegovine za koje je nadležna ova komisija, i to:

1. Izvještaj o radu Vijeća ministara BiH za 2017, 2018. i 2019. godinu, u dijelu nadležnosti Komisije za vanjsku trgovinu i carine Predstavničkog doma, i to za sljedeće institucije:
  - a) Ministarstvo vanjske trgovine i ekonomskih odnosa BiH,

- b) Ured za veterinarstvo BiH,
  - c) Upravu BiH za zaštitu zdravlja bilja,
  - d) Ured za harmonizaciju i koordinaciju sistema planiranja u poljoprivredi, ishrani i ruralnom razvoju BiH;
2. Godišnji izvještaj iz oblasti poljoprivrede, ishrane i ruralnog razvoja za Bosnu i Hercegovinu za 2017. i 2018. godinu - materijal Ministarstva vanjske trgovine i ekonomskih odnosa BiH;
  3. Izvještaj o izdatim ispravama i odbijenim zahtjevima za izdavanje isprava za vanjskotrgovinski promet oružja, vojne opreme i robe posebne namjene za 2017. i Izvještaj o realizaciji izdatih isprava za vanjskotrgovinski promet oružja, vojne opreme i robe posebne namjene u 2017. godini, materijal Ministarstva vanjske trgovine i ekonomskih odnosa BiH;
  4. Izvještaj o radu Upravnog odbora Izvozno-kreditne agencije BiH za 2017. i 2018. godinu, podnosilac: Upravni odbor IGA-e;
  5. Informacija o stanju u Izvozno-kreditnoj agenciji Bosne i Hercegovine - IGA, podnosilac Upravni odbor IGA-e;
  6. Razmatranje Izvještaja o izdatim ispravama i odbijenim zahtjevima za izdavanje isprava za vanjskotrgovinski promet oružja, vojne opreme i robe posebne namjene za 2018, materijal Ministarstva vanjske trgovine i ekonomskih odnosa BiH,
  7. Prijedlog izvještaja o realizaciji Strateškog plana ruralnog razvoja BiH (2018-2021) - Okvirni dokument u 2018, podnosilac: Ministarstvo vanjske trgovine i ekonomskih odnosa BiH,
  8. Izvještaj o radu Komisije za vanjsku trgovinu i carine za 2018. i 2019. godinu ( član 32. stav (2) Poslovnika Predstavničkog doma), (sa podnosiocem: Ured sekretara Komisije za vanjsku trgovinu i carine PD),
  9. Prijedlog orijentacionog radnog plana KVTCPD za 2020. godinu (sa podnosiocem: Ured sekretara Komisije za vanjsku trgovinu i carine PD).

Osim izvještaja o radu institucija Bosne i Hercegovine, Komisija je u okviru svoje nadležnosti razmotrila četiri poslaničke inicijative, i to jednu poslaničku inicijativu Nenada Nešića i tri poslaničke inicijative Denisa Zvizdića.

Poslanička inicijativa Nenada Nešića glasi: „Na osnovu člana 8. Poslovnika Predstavničkog doma Parlamentarne skupštine Bosne i Hercegovine (‘Službeni glasnik BiH’, br. 79/14, 81/15, 97/15 i 78/19), upućujem poslaničku inicijativu Vijeću ministara BiH da u roku od 120 dana Parlamentarnoj skupštini BiH dostavi Prijedlog izmjena i dopuna Zakona o koncesijama Bosne i Hercegovine (‘Službeni glasnik BiH’, broj 32/02) na način da s radom prestaje Komisija za koncesije Bosne i Hercegovine“, broj: 01-50-1-15-8/20 od 11. 5. 2020;

Komisija nije podržala ovu poslaničku inicijativu.

Poslaničke inicijative Denisa Zvizdića glase:

1. „Predstavnički dom Parlamentarne skupštine BiH zadužuje Vijeće ministara BiH da u roku od 60 dana od dana usvajanja ove inicijative pripremi i u parlamentarnu proceduru uputi Prijedlog zakona o nadzoru nad tržištem Bosne i Hercegovine, radi njegovog usklađivanja s

pravnom te evinom Evropske unije, odnosno Uredbom br. 765/2008 Evropskog parlamenta i Vijeća od 9. 7. 2008, kojom se utvrđuju zahtjevi za akreditiranje i nadzor nad tržištem koji se odnose na stavljanje na tržište različitih proizvoda“, broj: 01-50-1-2168/20 od 5. 11. 2020.

2. „Predstavnički dom Parlamentarne skupštine BiH zadužuje Vijeće ministara BiH da u što kraćem roku, a ne kasnije od 30 dana od dana usvajanja ove inicijative, pripremi i u parlamentarnu proceduru uputi Prijedlog zakona o regulatoru električne energije i prirodnog gasa, prijenosu i tržištu električne energije u Bosni i Hercegovini, kako bi realizirali obaveze iz Trećeg energetske paketa iz Ugovora o uspostavljanju Energetske zajednice i obaveze preuzete Analitičkim izvještajem Evropske komisije iz Mišljenja Evropske komisije o zahtjevu Bosne i Hercegovine za članstvo u Evropskoj uniji“, broj: 01-50-1-2169/20 od 5. 11. 2020.

3. „Predstavnički dom Parlamentarne skupštine BiH zadužuje Ministarstvo vanjske trgovine i ekonomskih odnosa BiH da u roku od 60 dana od dana usvajanja ove inicijative izradi i dostavi Vijeću ministara BiH na usvajanje prvi nacrt Integriranog energetske i klimatske plana Bosne i Hercegovine (NECP), a što je obaveza ovog ministarstva iz Akcionog plana Vijeća ministara Bosne i Hercegovine za realizaciju prioriteta iz Analitičkog izvještaja Evropske komisije“, broj: 01-50-1-2172/20 od 5. 11. 2020.

Sve tri poslaničke inicijative Denisa Zvizdića Komisija je podržala.

Komisija je razmatrala i dopis Marketinške asocijacije „BiH šljive“.

Komisija je u izvještajnom periodu usvojila tri zaključka.

Komisija je blagovremeno razmotrila dostavljene izvještaje i Predstavnički dom dostavila mišljenje o njima.

### **Odjeljak C. Ostale informacije i druge aktivnosti Komisije**

Realizirajući zaključak koji je Komisija usvojila na 6. sjednici, održanoj 14. 9. 2020, članovi Komisije su 15. 12. 2020. posjetili Upravu za indirektno oporezivanje BiH u Banjoj Luci i održali radni sastanak s rukovodstvom UIOBiH. Na sastanku su razgovarali o vanjskotrgovinskoj razmjeni, kako se UIOBiH bori protiv korupcije kao i o problemima funkcioniranja UIO.

## **REZIME**

Na osnovu navedenih aktivnosti Komisije, može se zaključiti da je Komisija u okviru svojih nadležnosti u potpunosti realizirala postavljene zadatke.

U izvještajnom periodu Komisija je saradivala s mnogim institucijama radi obavljanja poslova iz nadležnosti Komisije.

Službe Sekretarijata Parlamentarne skupštine BiH pružale su blagovremeno stručnu i tehničku pomoć u radu Komisije s ciljem realizacije aktivnosti Komisije.

**PREDSJEDAVAJUĆI KOMISIJE**

**Dr. Dragan Bogdani**